



Caderno da crítica

Cuestionario Proust: Francisco Álvarez “Koki”

[Ramón Nicolás](#)

17 de xuño de 2015

<https://cadernodacritica.wordpress.com/2015/06/17/cuestionario-proust-francisco-alvarez-koki/>

1.– Principal trazo do seu carácter?

-Insistente soñador.

2.– Que calidade aprecia máis nas persoas?

-A humildade.

3.– Que agarda das súas amizades?

-Que me dean o mesmo que eu lles dou.

4.– A súa principal eiva?

-A confianza.

5.– A súa ocupación favorita?

-Escribir e ler.

6.– O seu ideal de felicidade?

-E difícil contestar, xa que a felicidade é un estado temporal.

7.– Cal sería a súa maior desgraza?

-Non penso niso.

8.– Que lle gustaría ser?

-Un pallaso.

9.– En que país desexaría vivir?

-Non teño un país favorito, onde vivo disfruto.

10.– A súa cor favorita?

-Vermello.

11. – A flor que máis lle gusta?

-A rosa.

12.– O paxaro que prefire?

-O merlo.

13.– A súa devoción na prosa?

-É difícil contestar, xa que dende Álvaro Cunqueiro pasando por Ferrín ate Ramón Caride temos onde disfrutar.

14.– E na poesía?

-Pasa o memo, xa que dende Rosalía até Xela Arias temos moi bos poetas.

15.– Un libro?

–*As aventuras de Said e Sheila.*

16.– Un heroe de ficción?

-Os Bolechas.

17.– Unha heroína?

-Puiidera ser esa que tes na mente idealizada que nunca coñeciches.

18.– A súa música favorita?

-As bandas de música das nosas vilas.

19.– Na pintura?

-Toda a pintura realista.

20.– Un heroe ou heroína na vida real?

-Os nosos vellos que nos ensinaron tanto, especialmente as mulleres.

21.– O seu nome favorito?

-Lola, o da miña muller, e Breogán, o do meu fillo.

22.– Que hábito alleo non soporta?

-A mesquindade, a envexa.

23.– O que máis odia?

-Non sei o que é iso.

24.– A figura histórica que máis despreza?

-Os Reis Católicos.

25.– Un feito militar que admire?

-Non admiro ningún feito militar.

26.– Que don natural lle gustaría ter?

– O da maxia, para facer feliz a moita xente.

27. – De que maneira lle gustaría morrer?

-A verdade e que nunca penso na morte.

28.– Cal é o seu estado de ánimo máis habitual?

-Sempre estou contento.

29.– Que defectos lle inspiran máis indulxencia?

-Somos humanos polo tanto tempo e paciencia.

30.– Un lema na súa vida?

-Ser útil.